

## Ned ka be, n maan kaset tı (Iaa ılaaha ıllal-Allaah, wa onna Muhammadan rasuullaah) = (M maanda kaset tı soab hakük pa be rënda Wënde, la m maand kaset t'a Muhammad yaa Wënd Tëñ-tuumma) n kõ sıda a sūrē wã, rëndame tı Wënd harm-a ne Bugmã

Yii a Anas |bn Maalik nengẽ (Wënd yard be a yïnga): Tı Nabiyaamã (Wënd puusg la A tülgr be a yïnga) la a Mu'aaz rag n zao Nabiyaamã poorẽ, a rüngã zugu, t'a bool-a n yeele: « Yaa a Mu'aaz |bn Gebale» t'a Mu'aaz yeele: (Labbayka yaa rasuullaah wa sa'adayka= m sak-fo, m sok f yïnga Wënd Tëñ-tuumma), noor a tääbo. Wënd Tëñ-tuum yeele: «Ned ka be, n maan kaset tı (Iaa ılaaha ıllal-Allaah, wa onna Muhammadan rasuullaah) = (M maanda kaset tı soab hakük pa be rënda Wënde, la m maand kaset t'a Muhammad yaa Wënd Tëñ-tuumma) n kõ sıda a sūrē wã, rëndame tı Wënd harm-a ne Bugmã». Rẽ poorẽ, a Mu'aaz yeelame : Wënd Tëñ-tuumma, rẽ yïnga, m ka na n kõ nebã kiba-noogo, sën na yilẽ tı b kudem la b noog b sūr ne Wënd kün-känga? Tı Nabiyaamã yeele: «fo sã n maan woto, b na n wa teega rëndä». La a Mu'aaz togsa kibarã, a kümä sasa, a sën yeesd t'a na n wa paam zünuub yïnga t'a sã n solge.

[Naşon Şahihon (Gom-sikdem sën manege)] [B zemsa taab a zugu (A Al-Buhaariy la a Muslim n reeg-a)]

A Mu'aaz |bn Gebal rag n yüme, (Wënd yard be a yïnga), n zao Nabiyaamã poorẽ (Wënd puusg la A tülgr be a yïnga), a rüngã zugu, t'a bool-a n yeele, yaa a Mu'aaze, la a yılma a boollã noor a tääbo, tı yaa sën na n keng bëmb ning a sën na n yeelã sën ta zïig ninga. La rẽ fää, a Mu'aaz -Wënd yard be a yïnga, rag n sakdame, n yetë: «labbayka yaa rasuullaah wa sa'adayka», rat n yeele: m sak-fo, Wënd Tëñ-tuumma, (Wënd puusg la A tülgr be a yïnga), m sok f yïnga, tı yaa sakr sën pugd taaba, m leb n baooda zu-noogo fo sakrä yïnga. Tı Nabiyaamã (Wënd puusg la A tülgr be a yïnga) kõ-a kibare, tı ad ned ka be n na n maan kaseto tı (Iaa ılaaha ıllal-Allaah= soab sën na n tû n tulg ka be, rënda Wënde), la (Muhammadan rasuullaah= la a Muhammad yaa Wënd Tëñ-tuumä) tı yaa sıda a sūrē wã, n ka ziri-beedo, a sã n maan kaalem halhaal-kängä zugu, Wënd haramda Bugmã a yïnga. T'a Mu'aaz (Wënd yard be a yïnga) sok Nabiyaamã (Wënd puusg la A tülgr be a yïnga) t'a na n togsa nebã tı b süyä yı noogo la b kudem ne yel-sömdä? Tı Nabiyaamã yees (Wënd puusg la A tülgr be a yïnga) tı nebã na n wa teega rëndä tı b tuumä yı bilfu. T'a Mu'aaz ka yës ned baa a yembre, sã n ka a kümä sën wa n ta wã, a sën yeesd tı yë na n wa tug n lüü bängr solgr zünuub pugë.

**النّجّات الخيريّة**  
ALNAJAT CHARITY

